



TOSHKENT

REPUBLICAN STOCK EXCHANGE

“TOSHKENT” RESPUBLIKA FOND BIRJASI

2022-YIL IYUL OYI BO`YICHA


BIRJAVIY TAHLIL

Mundarija

Savdolar tahlili.....	3
Savdo maydonlari tahlili.....	5
Main Board bo`yicha yuqori 10ta aksiya.....	7
Iqtisodiy sohalar bo`yicha tahlil.....	8
Bozor kapitallashuvi.....	9
Birja kotirovkalar varag`i.....	10
Bozor narxlarining o`zgarish sharhi.....	11

Savdolar tahlili

2022 yilning iyul oyi davomida 53 ta emitentning 7,47 mlrd dona qimmatli qogʻozlari bilan jami 87,76 mlrd soʻmlik 6 099 ta bitim tuzildi.




Yakunlangan oy davomida eng koʻp bitimlar 29-iyul sanasida tuzilgan boʻlib 808 donani tashkil etgan; eng kam bitimlar esa 16-iyulda tuzilgan boʻlib ularning soni 128 donani tashkil etgan.

Bitimlarning eng katta hajmi 8-iyulda qayd etilgan boʻlib, kun davomida jami 62,12 mlrd soʻmdan ortiq bitimlar amalga oshirilgan. Iyul oyida tuzilgan bitimlarning oʻrtacha kunlik soni 305 tani va oʻrtacha kunlik hajmi esa 4,39 mlrd soʻmni tashkil etdi. Oy davomida “Stock Market” aksiyalar bozorining “Main Board” savdo maydonidagi bitimlarning kunlik oʻrtacha hajmi 1,14 mlrd soʻmni tashkil etdi. 7 iyulda “Stock Market” aksiyalar bozorining “Nego Board” savdo maydonida 2,63 mlrd soʻmlik yagona bitim tuzilgan.


“Bond Market” obligatsiyalar bozorining “Main Board” savdo maydonida jami hajmi 62,25 mlrd soʻmlik 4ta bitim tuzilgan.

2022-yil boshidan buyon “Toshkent” RFBda amalga oshirilgan bitimlar hajmi, %



2022 yil boshidan buyon “Toshkent” RFB savdo maydonlarida jami 3,43 trln soʻmlik 47 549 ta bitim tuzilgan. Shu jumladan, eng katta hajmdagi bitimlar yanvar oyida qayd etilgan boʻlib 3,04 trln soʻmni tashkil etgan, eng koʻp bitimlar soni esa iyun oyida tuzilgan boʻlib 7 609 tani tashkil etadi.

2022 yil boshidan buyon “Toshkent” RFBda tuzilgan bitimlar soni




Savdo maydonlari tahlili

“Stock Market” aksiyalar bozorining G1 - “Main Board” savdo maydonida 51 ta emitentning jami 22,87 mlrd soʻmlik aksiyalari bilan 6 094 ta bitim tuzildi.

Bozor	Savdo maydoni	Bitimlar soni	Qimmatli qogʻozlar soni	Bitimlar hajmi
UZSE STOCK	Main Board	6 094	7 468 079 494	22 874 097 288,86
	Nego Board	1	255 435	2 635 067 460,00
UZSE BOND	Main Board	4	6 630	62 250 000 000,00
Jami		6 099	7 468 341 559	87 759 164 748,86

Shuningdek, G1 - “Main Board” savdo maydonidagi eng katta hajmdagi bitim “UNIPOLIS” /UNPL/ AJning 12,72 mlrd soʻmlik 7,31 mln dona aksiyalar bilan amalga oshdi. Nominal narxi 1,00 soʻmga teng boʻlgan aksiyalar 2,74 soʻmdan sotildi.

“Toshkent” RFBning talabnomalarni qabul qilishning maxsus platformasi (TQQMP Nego) yordamida xaridor aniqlangan T1 – “Nego Board” boʻlimida 2,64 mlrd.soʻmlik 1 ta bitim qayd etilgan.



TQQMP Nego – Talabnomalarni qabul qilishning maxsus platformasi

2022-yil 7-iyul sanasida /KAYM/
“KATTAQO’RG’ON YOG’-MOY” AJning
2,64 mlrd so`mlik 255 435 dona oddiy
aksiyalari bilan ikkitamonlama kelishuv



KATTAQO’RG’ON YOG’-MOY
Aksiyadorlik Jamiyati

asosidagi bitimning 3-qismi amalga oshdi. Bitim bo`yicha belgilangan AJning 64,92%lik aksiya paketlarining jami hajmi 37,20 mlrd so`mni tashkil etadi. Amalga oshirilgan so`ngi bitim natijasida xaridor 18,94%lik aksiyalar paketini 10,85 mlrd so`mga xarid qildi. Bitimning qolgan qismlari 2023-yilning IV moliyaviy chorakiga qadar har chorak mobaynida amalga oshiriladi.

«Bond Market» obligatsiyalar bozori

2022-yil iyul oxiriga qadar “Bond Market” obligatsiyalar bozorining “Main Board” savdo maydonida 2 ta emitentning 6 630 dona obligatsiyalari bilan 62,50 mlrd so`mlik 4 ta bitim amalga oshirilgan (umumiy birja savdolari hajmining 70,93%ni tashkil etdi).

«Asia alliance bank» /AABK1/ ATBning 450 dona obligatsiyalari bilan 450,00 mln so`mlik 3ta bitim tuzildi. Shuni qayd etish lozimki, ushbu emitentning obligatsiyalari kupon stavkasi Markaziy Bankning qayta moliyalashtirish stavkasiga +4% ravishda bog`langan. To`lov muddati 7 yilni tashkil etib, 2026-yil 15-iyul sanasida o`z nihoyasiga yetadi.

2022-yil 8-iyulda «Kapitalbank» /KPBA10/ ATB korporativ obligatsiyalari bilan 61,80 mlrd so`mlik bitta bitim tuzilgan va bu umumiy chiqarilgan obligatsiyalarning 41,20%ni tashkil etgan. Ushbu obligatsiyalarni kupon stavkasi korporativ subordinar obligatsiyalarning indekslashtirilgan nominal narxidan -6,5 %ni tashkil etdi va to`lov mudati 2031-yil 30-avgust sanasigacha.

Yuridik shaxslar tomonidan sotib olingan obligatsiyalarning barcha qismining umumiy birja savdo hajmining 70,93%ni tashkil etdi.

Main Board bo'yicha yuqori 10ta aksiya

2022-yil iyul oyi davomida "Toshkent" RFBning "Stock Market" aksiyalar bozorining G1- "Main Board" savdo maydonidagi bitimlar soni va hajmi bo'yicha eng yuqori 10 ta aksiyalar.

Bitimlar hajmi bo'yicha eng yuqori 10ta aksiyalar, mlrd so'm




2022-yil iyul oyi bo'yicha 12,72 milliard so'mga teng bo'lgan eng katta hajmlik bitimlar "UNIPOLIS" /UNPL/ AJning oddiy aksiyalari bilan qayd etildi. Undan keyingi o'rinlarni mos ravishda 2,46 milliard so'm va 1,92 milliard so'mga teng bo'lgan "Bag'dod paxta tozalash" /BGPT/ AJ va "O'zmetkombinat" /UZMK/ AJlarning

oddiy aksiyalari bilan tuzilgan bitimlar egalladi.

Yuqori 10talik reytingni mos ravishda "Qizilqumsement" /QZSM/ AJ hamda "DORI-DARMON" /DORI/ AJlarining oddiy aksiyalari bilan tuzilgan 213,80 mln so'm va 203,19 mln so'mlik bitimlar yakunladi.

Bitimlar soni bo'yicha eng yuqori 10ta aksiya, dona




Oy davomida tuzilgan bitimlar soni bo'yicha eng yuqori 10ta aksiyalar reytingini 1 383 dona va 720 dona bitimlar bilan "O'zmetkombinat" /UZMK/ AJ va "O'zRTXB" /URTS/ AJlar mos ravishda birinchi va ikkinchi o'rinni qayd etishdi. Reyting tegishli ravishda "Ipoteka-bank" /IPTB1/ ATIB va "Olmaliq KMK" /AGM1/ AJlarning imtiyozli aksiyalari bilan tuzilgan 216 dona va 158 dona bitimlar yakunlandi.

Iqtisodiy sohalar bo'yicha tahlil


Iqtisodiyot sohalarini kesimida iyul oyi davomida tuzilgan eng katta hajmdagi bitimlar “Banklar”, “Sug’urta” va “Agrosanoat” sohalariga to’g’ri keldi. “Banklar” sohasida umumiy hajmi 64,70 mlrd so’nga teng bo’lgan bitimlar tuzilgan bo’lib, shundan 61,80 mlrd so’mi “KAPITALBANK” ATB obligatsiyalari bilan tuzilgan bitimlar hissasiga to’g’ri keldi. “Sug’urta” hamda “Agrosanoat” sohalarining qimmatli qog’ozlari bilan esa mos ravishda jami 12,75 mlrd so’m va 5,15 mlrd so’nga teng bo’lgan bitimlar tuzildi.

Shu bilan birgalikda yakunlangan oy davomida tuzilgan bitimlar soni bo’yicha ham yana “Banklar” sohasi peshqadamlik qilgan va umumiy hisobda 2 046 dona bitimlar tuzilgan. Shuningdek “Sanoat” va “Boshqalar” sohalarining qimmatli qog’ozlari bilan mos ravishda 1 943 va 971 dona bitimlar qayd etilgan. Quyi pag’onalarni esa “Agrosanoat”, “Transport” hamda “Aloqa” sohalarini qayd etgan bo’lib, bu soha emitentlarining qimmatli qog’ozlari bilan tegishli ravishda 70, 15 va 14 dona bitimlar tuzilgan.


2022-yil iyul oyida iqtisodiy sohalar bo'yicha bitimlar hajmi, %



2022-yil iyul oyida iqtisodiy sohalar bo'yicha bitimlar soni, dona



Emitentlarning bozor kapitallashuvi



O'tgan oyning hisobot davrida birja kotirovkalari varag'iga kiritilgan emitentlarning umumiy bozor kapitallashuvi 71,21 trln so'mdan 91,96 trln so'mgacha bo'lgan oraliqda o'zgarib turdi. Bozor kapitallashuvining eng past ko'rsatkichi 20-iyulga to'g'ri keladi va 71,21 trln so'mni tashkil etdi.

Eng katta qiymat 7-iyul kuni qayd etilgan bo'lib, emitentlarning umumiy kapitallashuvi 91,96 trln so'mni qayd etdi. 2022-yil 29-iyul holatiga ko'ra birja kotirovkalari varag'iga kiritilgan emitentlarning umumiy bozor kapitallashuvi 84,59 trln so'mni tashkil etdi.

Iyul oyi davomida birja kotirovklar varag'iga kiritilgan emitentlarning soni o'zgarishsiz qoldi.


Birja kotirovkalar varag'i

2022-yil 29-iyul holatiga ko'ra "Toshkent" RFB kotirovkalar varag'ida 104 ta emitentning qimmatli qog'ozlari mavjud bo'lib, shundan: 101 tasi aksiya, 3 tasi obligatsiya va shuningdek 3 tasi esa aksiya va obligatsiya emitentlari hisoblanadi.


2022-yil 1-iyul sanasida "Toshkent" RFB kotirovkalar varag'ida 104 ta emitentning qimmatli qog'ozlari mavjud bo'lgan bo'lib, hisobot davri mobaynida hech qanday o'zgarish qayd etilmagan.

Birja tranzaksiyalari haqida ma'lumot(kategoriyalar kesimida)


Bitimlar soni(dona)



Bitimlar hajmi (mlrd so'm)



Bozor narxlarining o'zgarish sharhi



* Yuqori likvidlik aksiyalar sifatida 10ta eng ko'p bitim amalga oshirgan aksiyalar olingan (7-bet)

**1-iyuldagi ochilish narxlari va 29-iyuldagi yopilish narxlari solishtirilgan.

2022-yil iyul oyining savdo yakunlari bo'yicha, eng ko'p savdo bitimlari tuzilgan 10ta aksiyadan to'rtasida narxlar o'sishi kuzatilgan bo'lib bular: «Qizilqumsement» /QZSM/ AJ, «Hamkorbank» /HMKB/ ATB, «Ipoteka-bank» /IPTB/ ATIB, va «Uzikkilamchiranglimetall» /UVCN/ AJ. Yuqoridagi emitentlar qimmatli qog'ozlarining narxlar mos ravishda ▲13,44%, ▲2,13%, ▲1,22%, va ▲0,91% ga o'sdi.

29-iyul sanasida «O'zsanoatqurilishbank» /SQBN/ ATBning oddiy aksiyalari hamda «Olmaliq KMK» /AGM1/ AJning imtiyozli aksiyalari narxi oy boshidagi narxga teng bo'ldi.

«Ipoteka-bank» /IPTB1/ ATIB, «O'zmetkombinat» /UZMK/ AJ, «Kvarts» /KVTS/ AJ, va «O'zmetkombinat» /UZM1/ AJ qimmatli qog'ozlari narxi esa tegishli ravishda ▼21,66%, ▼10,18%, ▼4,55% va ▼4,35% ga pasayishi qayd etildi.